


transacti

re, & Corpus
ins, cum
Eua. p. 11.
In 11. 8. Epib.
om. Equ.
com. Equ.
com. Equ.
com. Equ.



~~Dec 22 1790~~
~~1790~~
~~1790~~

10 / 15.0 / 15.

50
50

Er
ausgesprochen
eine nicht recht
guter Mann

C. XVII. 23



HOROSCOPUS LAVREATÆ GLORIÆ,

Natis ad Literas, Laureasq; mentibus
XIII. VV. DD. Primæ Laureæ Candidatorum,
Signis Laudum allucens:

ac dum
Post rigidum examen in publicâ Orbis Academici facie

PER
CLARISSIMUM, *ac* EXCELLENTISSIMUM

D. M. JOSEPHUM
CANTIUM
SWIRADOWSKI,

Philosophiæ DOCTOREM, & Professore, Collegam Minorem;

Præsente Illustri Magnorum Hospitum Coronâ,

RITU CONSVETO,

Artium Liberalium & Philosophiæ Baccalaurei
declararentur.

In vim gratulatorij plausûs

Operâ

JOANNIS JACOBI
SMOLUKOWSKI Crac.

Ejusdem Laureæ Candidati

ERECTUS.

Annô Astrorum Conditoris à summo Cælo descendentis
1722. Die 31. Octobris.

CRACOVIAE, TYPIS UNIVERSITATIS.

In Stemma
INCLYTÆ URBIS METRO-
POLITANÆ CRAC:



Urbis ad Augustas Consistit gloria Turres,
Gloria Turrigero vult Comes esse loco.
Est Aquilæ Cultus, portant hanc stemmate Reges;
Quæ decorat Reges, huc tulit illa decus.
Indè venit Turri, Consurgit splendor in Urbe,
Quâ Volucris Regum nidificare cupit.

NOBILISSIMIS.
CLARISSIMIS.
SPECTABILIBVS.

AC

CONSVLTISSIMIS
DOMINIS.

D. PROCONSVLI.
DD. CONSVLIBVS,

Totiꝑ; Urbi Metropolitanae
CRACOVIAE,

Dominis Patronis
Amplissimis.



*D libera gentis libera Metropolis
TURRES Clientalis promptitudo vin-
cula invenit, ac vinculis pratendit
captivari. NOBILES CLARISSI-
MI & SPECTABILES DOMINI,
DOMINI PATRONI COLEN-
DISSIMI. Non etenim hac Invi-*

*lissimorum Poloniae Regum mens ac studium fuit, stem-
matico Vestrum decori trinas addere turres; ut in illis no-*

A

xx

ne vincirentur: sed ut Virtus haberet in illis receptaculum.
Si gratum approbatis pectus? si apud vos gratitudinem
Virtutem elicere congruit? aditum illi ad Turres Vestras
patefacite. Quanquam & apertò illa ostiò stant, nec
ullis horrida repagulis, potius invitant quosvis, quàm de-
terrent. Non servitus hic, ast libertas: non compedes, ast
gratiarum nexus apparent. Tot hìc Captivi non gemunt,
sed plaudunt; quot existunt Virtuti Vestra obligati. Si-
quidem intra Muros Urbis Turres estis, etiam sine Mu-
ris Aheneus quisq; VESTRVM Murus, nullo impetu su-
perandus. Immines primò Clientis obtutui NOBILIS
ac SPECTABILIS DOMINE IOANNES PAV-
LE FRY SNEKIER, S. R. M. Secretarie, cuius con-
siliò, ac virtute à multis annis directà Urbs, inter mo-
tus tranquillitatem, & inter totius Regni naufragia sa-
lutem, adinvenit. Etatem Tuam non tam Annorum
longitudo, quàm publici boni sollicitudo fessam reddidit.
A Te Viro in Senatu gravissimo non nisi consilium ponde-
rosum, & sententia diu meditabundo Catone observanda.
Qualis quantusq; sis, Te singuli judicant, quibus iudiciò
Tuò vel consiliò regi contigit aliquando. De omnibus
certè bene merite, sed de Academica Themide optime, imò
meritissime. Rem non innuo quæ legetur, & Tu justè
memoriam Tui inter eruditos codices asservabis. Nec
de vestris meritis aliter convenit sentire magna Senatùs
nomina. NOBILIS CLARISSIME ac SPE-
CTABILIS DOMINE M. STANISLAE LO-
PACKI, quem cum laurea decorant, paria his com-
mendant & merita. DOMINE DOMINICE
MEGLIORVCI, cui cum generis claritate factorum
splendor famulatur. DOMINE PAVLE SOLDA-
DINI, cui prodesse bono publico innata Virtus, & ra-
rà eruditione singulis allaborare Divinum munus. DO-
MINE ANDREA SZAFALKOWICZ, erudi-
tionis Oraculum, consiliorum regula, imò singularum lau-
dum Pantheon. DOMINE IOSEPHE BEHM

in hac Metropoli antiquitate generis, ejusq; erga Urbem
studijs, tam quietis, motuumq; tempore, notissime. DOMI-
NE IOANNES GALECZKA *cujus dum Virtus &
fortuna appretiatur, ab utroq; aestimande.* DOMINE
LAZAR DERIAKVBOWICZ *Senatus gloria.* DO-
MINE STANISLAE WEGRZYNOWICZ *Gentilitio
Leone demonstras Te pro VRBIS commodo imperterritum
semper vigilare, & Avitis stellis prodromum ad felicitatem
VRBI existere.* DOMINE STANISLAE SZYMAN-
KIEWICZ *vel ipso nomine stans in Metropoli laus, glo-
riaq; gentis indicaris.* DOMINE THOMA MAR-
CINKOWSKI *cujus & mentis & capitis cander cuiq;
Te efficit placidum.* DOMINE IOSEPHE ZALESKI
*magnorum nominum confinio, Majorumq; Tuilq; meritis
insignis.* DOMINE HYACINTHE ZAYFERT *cujus
erudita facundia & facunda eruditio, dum pro VRBIS
commodo perorant, novas efflorescere VRBIS felicitates prae-
sagit portenditq;.* D. LVDOVICE GVILCHELME &
*Nativis Lilijs, & Tuo candore in Campestris Polonia Me-
tropoli floride.* CLARISSIME DOMINEMCASIMIRE
TVATER, *cui praefer peritiam servandorum hominum,
plurimas dotes sua ingessit capacitas. Quem & verborum
elegantia, & factorum Majestas, ita commendat; ut merito
submissis fascibus VRBIS adoreris.* DOMINE IOAN-
NES GEORGI KARLI, *è cuius nomine non una
gratia dimanat.* DOMINE FRANCISCE TO-
RIANI, *solicitudine circa Regia VRBIS elegantiam
commendate.* CLARISSIME D.M. IGNATI MI-
CHAŁOWSKI *Medicinae DOCTOR, cui dum plurima
deberent necti elogia, una sufficiat adoratio.* DOMINE
MICHAEL A WEDYK, *pridem in Senatum adscri-
meritissime, in Divos pie hominibus placide, utrisq; à corde.*
Cetera estis Senatus Nomina DOMINE SEBA-
STIANE MAMCZYNSKI, DOMINE LAV-
RENTI LASKIEWICZ, DOMINE ALBER-
TE FISCHER, *sed non postrema; singuli VESTRVM*

meremini laudari: qui meritis commendamini. Invincu-
lari TVRRIBVS VESTRIS Clientalis cupit prom-
ptitudo, imò captivam se esse desiderat, dum Tantos
PRÆSIDES prona veneratur. Admittetis igitur ligatum
hoc opus in gratiam primi honoris Academici, primæq; laurus
conscriptum; & cum illo me VOBIS obligatum. Aperta
janua apud vos, cui placet, licet ingredi: in libero itaq;
aditu Poesim VOBIS obsequentem advertite; quam Vestra
NOMINI & HONORI dicatam, cum debitò vene-
rationis cultu profert.

Nobilium Clarissimarum ac Spectabi-
lium Dominationum Vestrarum.

Servus & Clientis.

JOANNES JACOBUS
SMOLUKOWSKI
Primæ Laureæ Candidatus Crac.

ODE VOTIVA D. JOANNI CANTIO,

In Alma Universitate Cracoviensi Sacrae
Theologiae DOCTORI, ejusdem Universitatis
totiusq; Regni Poloniae Tutelari,

CUM LEMME.

Celso genitiq; accedimus Astro. *Manil.*

Ferre sub celsos humilem Penates
Discit hic mentem, studet esse gratus
Numini, quisquis cupit ire clarae
Tramite famae.

Fronte demissa quatit ille terram;
Ut polus spectans referat petenti
Summa donorum, jubeatq; faustam
Tollere sortem.

Nascitur doctae studiosa proles
Palladis sperans nitidam corymbum;
Sed spei fructum sine Te ferente
Carpere nolle.

Dive, quò Cælum veniente lætis
Gestis plectris, idè triumphans,
Quòd decus Tecum tuleris togatae
Gentis ad Astra.

Flecte Te summis precibus gravatum,
Annuens voto Pater Alme nostro
De super nobis benedic, acumen
Vincere posse.

B

Cun-

Cuncta, quæ vivunt inimica menti,
Quæ rigent fato temerante lauros
Hoste, sic cæso Tibi grata quisquæ
Munera reddet.

Sidus es toto radians Polono
Orbe, producens placidum nitorem
Solis ad cunas, reditumq; noctis,
Te Pater unus,

Non locus stringit, patet usq; Thulen
Gloriæ Campus meritis paratus;
Roma Te novit, tenuit faventer
Patria Christi.

Erigas, vires nimium cadentes,
Qui decus ducis fragiles juvare;
Redde nos lauris gremiôq; dignos
Palladis Almæ.

Faustitas turbæ veniat novellæ;
Quæ suum noscit validum Patronum:
Te poli præstans, Academiæq;
Gloria nostræ.

Lacteam quondam Thetidem creasti,
Tinge nunc lauros viridi colore,
Fronte sic cinctâ Tibi quisq; promptum
Solvat honorem.

Ad Tuos current Cineres beatos,
Pectoris fundent specimen Clientes
DOCTOR; ut mentes speculeris uno
Fædere vincas.

Perillustribus Clarissimis & Excellentissimis
DD. EXAMINATORIBUS.

Clarissimo ac Excellentissimo Domino,

**D. M. STANISLAO
KUTLINOWSKI,**

Philosophiæ DOCTORI, Collegæ Minori, Contubernij Jagelloni-
ani Seniori, ac interea Philosophicæ Facultatis

DECANO.

Perillustri Clarissimo & Admodum Reverendo Domino,

**D. M. MATTHIÆ STANISLAO
FEDEROWICZ,**

Collegæ Majori, Regio & Cursus Vladislaviani Professori, Ecclesi-
arum Collegiatae S. ANNAE Crac: SHOLASTICO,
Parochialis in Ianina

CURATO.

Clarissimo ac Excellentissimo Domino,

**D. M. JOSEPHO CANTIO
SWIRADOWSKI,**

Philosophiæ DOCTORI, Collegæ Minori.

CUM LEMMATE.

Quam non parca manus. *Martialis.*

Laurus sacro culmine pullulans,
In frontis hujus cernitur arduo;
Quam signa commendant laborum,
Fervidiorq; decorat Ardor.
Non palma segnes, non fragiles honor
Ambit; sed acres insequitur Viros:
Hi laude tolluntur probi
Herculeos vegetavit ausus.

Quòd digna nostrum tempora laureis,
Vos censuistis iudiciò probæ

Mentis, benignè comparatum

Id, Studiò potiore vestri.

Succisa laurus frontibus imminet,

Apexq; famæ panditur optimæ;

Sed culmen hoc summum Minervæ,

E manibus Procerum videmus.

Hinc laudis altum flectere congruit,

O magna vobis Nomina Palladis!

Vocare Musarum cohortem;

Vt numeris referant sonoris.

Vestros labores, & studia, & modos,

Quos consecratis, ut celeberrima

Nosserta cingat; mensq; laurus

Illicò se tribuat capacem.

Quamvis & arcum Cynthius aureum

Immutet; aptè dulcisonæ lyra:

Mox imparem se noscet istis

Pro meritis, resonare plausum.

Te dico doctæ Dux & apex stoz,

Et jam fatisco laudibus in Tuis:

Iam vincis omnem KVTLINOWSKI

Mnemosynon studij profundì.

Murex lacertis adveniens Tuis

Gaudet foveri, purpureo placet

Te nosse solertem decori

Mentibus, imperiumq; dantem.

Tu docta pulchro prælia fædere

Concludis; ut sint omnia prospera

Victoriæ, clari triumphì

Te duce condecorent Lycæa.

Astræ Cælis lapsa nitentibus,

Cùm lege terras stringere cogitat;

Ad Te bilancem iusta defert,

Consilijs fruitura rectis.

Inflexit omnis culmina dignitas,
Et Te potiri vult honor amplior;
Nam summa quævis temperare,
Ingenio potes erudito.
Est & faventi laus sua pectori,
Gratesq; debent poplite flexili
Testata compensare dona;
Sic puteos sua vitra cingit.
Pro flore carmen FEDEROWICZ habet,
Heroa cujus dextera gratiæ,
Ad magna nos ducit secundè:
Et teneras juvat ille mentes.
Oris facundi (dicere Tullium
Malim) perorat floridius rosis,
His comitas morum politos
Attribuit studiis colores.
Nè stare docta se videat stoà,
Cursu bienni pandit Olympia;
Quæis tyro formans sic agones,
Plausibus ingeminat triumphum.
Tandem cothurno prosequitur suo,
Te Musa pulchræ palladium scholæ
SWIRADOWSKI prompto valentem
Consilio, similiq; facto.
Pandora non sic munere Numinum
Exculta mansit Palladis ut Tibi
Concessa Virtus: ut celebrem
Te gravitas studuit referre.
Quàm parva magnos laus fuit ad Viros;
Qui magna nostris præmia frontibus
Sudante connoctunt labore:
Nos nimiam tribuente faustos.
Sed quos Clientes absq; levamine
Laudum remittunt Numinis hos favor,
Per summa longævos honoris
Provehat, ac faciat secundos.

HOROSCOPUS

LAUREATÆ GLORIÆ,

Natis ad Literas, Laureasq; mentibus;
signis laudum allucens.

II. V. D. CANTIO SOWINSKI Crac.

Allucet primum Zodiaci signum Aries.

CUM LEMMATE.

Roseo producet fertile cornu

Ver Aries. *Claudianus.*

Nascimur in doctæ primū nunc Palladis Orbe,
Altior & nostras constringit laurea cunas.

An faveant cæli natis inquirere tento,

Singula Zodiaci votis cū signa pererro;

Fulgidus en Aries: qui primū cornibus axes

Pulsat; ut assiduū creantur sidera motu.

In Tua SOWINSKI velox encomia surgit;

Cū vernes nitidis virtutum floribus, atq;

Egregijs clarus spatieris Tullius hortis.

Ille Tibi famam promittit vere virentem,

Ille novis semper præsit honoribus altum;

Te per Pallados dextre decurrere visum

Calles: nam sidus novit, quem laurea justè

Stringit: quos æquè docti comitantur honores.

Vive igitur cujus mentis sunt sidera testes;

Et qui teste polo, doctos consurgis in ausus;

Colchica fortunæ speres Tu vellera; quando

Est aries signum, prosper, quod fortis iniquæ

Viribus ingenij, quævis mox damna retundes.

III. V. D. JOSEPHUS SIWERTT,

Allucet alterum Zodiaci signum.

CUM LEMMATE.

Tau

Tauro solabere palmam. *Silius.*

Virtutis niveam laurea premiat
Formam, laurus amat frontibus ingeri;
Quas doctæ studium condecorat floa.
Te *S I W E R T T* alibi sollicitus labor,
Pressit; sed mentis palma venustior,
Et laurus capiti paritur hic Tuo.
Illam quod nitidis dotibus ingeni
Exornare velis; Palladis inclita
Spes est: nam Patrum dum recolis Tuum,
Post laurum meritis vivere maximum
Sperat, Te simili crescere gloria.
Sed qui Te studiis das Sapientiæ,
Ac promptus rigidum sponte subis jugum.
Taurum Zodiaci siderei decus
Attollens oculos suspice, pro Tua
Laudis notitiâ spargere lumina.
Sic dum pigrinamavidus exequitur,
Commendas humeros; ut Sapiens honor
Illis se tribuens, Te celebrem ferat:
Te dicat validis esse parem viris.

IV. V. D. THOMÆ WODZIANKIEWICZ,
Allucens Gemini.

Cum Lemmate.

Gemini dant ferre triumphos.

ARboribus sacris nutans Parnassia sylva,
Florida ferta dabit;
Ut WODZIANKIEWICZ habeat, quod cingere possit
Tempora docta sui.
Ordine ter pulchro variant sua Carmina Musæ,
Plausibus atque sonant;
Hos plausus multæ dotes, & compra merentur
Indolis acta bonæ.

Accinit, & meritò plectris festinus Apollo,
 Æthera laude petens;
 Quippè manent lætæ toties in rupe sorores,
 Se quoties tribuit.
 Laurea docta bonis; quoties hic poscit honorem,
 Quem vocat ipse decor;
 Iam Gemini geminat præconia, multaq; Cælò
 Mittere fausta volunt.
 Tu modo, qui placidis efformas verba cothurnis,
 Tempora longa vide:
 Indomitas mulce Parcas; ut stamina vitæ
 Longius ire velint.

V. V. D. JOANNI DOBRZANSKI,
 Allucet Cancro.

Cum Lemmate.

Lux altissima Cancro est.

Accende Cælum lucida sidera,
 Lumenq; præbe Zodiaco levi,
 Illustret ignitus iriones
 Splendor equis agitatus illis;
 Quos Phæbus aptò dirigit impetu,
 Et quos agendo non titubat metu:
 Ne devient tractu Polorum,
 Imperioq; negent subesse.
 Dispersit omni pegmate siderum
 Sol lumen album, jam medium poli;
 Quo Cancro errans grandis ardet:
 Iam renitent sacra tecta luce.
 Felix Tuis se dat manibus viror
 Laurus DOBRZANSKI, quem nitor ampliat
 Tam de Tuo ductus sereno:
 Quam rubeo datus ipse Cancro.

Hinc

Hinc verba suada tingere qui rosis
Noscis, feraris dulcisonis tubis,
Notusq; fias ob probatum
Ingenium, varium per orbem.

VI. V.D. PAULO GORCZYCKI,

Allucet Leo.

Cum Lemmate.

Cæli refulget parte non minima Leo *Seneca.*

Resplendet multis latè tunc ignibus æther,
Stellarumq; decus Cælestis jactitat axis;
Cum dignum geritur Cælo, cum fortibus actis
Implentur fasti, doctam dum laurea frontem
Cingit, & egregios alti gradus ambit honoris.
En vix GORCZYCKI doctam conscendis arenam,
Vix palmam laudum pulchro certamine prendis,
Conspicis in Cælo pro Te certare Leonem.
Eloquiò promptus dum persuadere laboras,
Floridus in verbis, sensu clarusq; videri,
Res animo cunctas proponens discis amorem
Artis: quâ major mortali pectore vix est.
Haud alios tantæ dotes decorare paratæ,
In Te quæ firmo cernuntur stamine vinctæ.
Hinc Leo, qui medijs recubat prolixus in astris
Sidereos tollens crines applausibus implet;
Quæ loca magnanimo cernis subjecta Leoni
Tam magno plausu cuncti sua feta prehendent,
Si paribus factis cælos, si sidera flectent.

VII. V.D. ANDREÆ SIEMINSKI,

Septimum Cælestis Zodiaci allucet signum. Virgo.

Cum Lemmate.

Castæ placent superis. *Tibullus.*

D

Pal.

Pallas fulminei quondam pia Nata Tonantis,
 Nonnisi se puris donat amare procis
 Si mores laesos tulerit, qua Pallada tentat.
 Turba, statim demens egide casa jacet.
 Este procul crudi, suaves sunt Pallade digni,
 Artibus excultos hac studiosa vocat.
 Ast medios inter censeri corde Minerva,
 SIEMIENSKI, dignos vade tenere locum?
 Quis melius tanto factus pro Numine certat?
 Aut qui Te curat charior esse Dea;
 Pectore captivo Musis facundia regnat;
 Nec nisi jucundo Tu cupis ore loqui.
 Cum verò doctam dextrè conscendis arenam,
 Demonstras quosvis vincere posse sophos,
 Belligeræ doctæq; simul Tu Virginis arma
 Arripis, hinc victor sola trophæa legis.
 Laurus erit signum, quâ nunc Tua tempora cingis;
 Non segrem doctis Te jacuisse scholis.
 Te credent cuncti lauris sub Virgine natum,
 Nam Musas, svadam, stringis amore gravi.

VIII. V.D. STANISLAO DZWASZOWSKI,
 Allucet Libra.

Cum Lemmate.

Lanx tribuit cuiq; suum.

Iusta mercedis tenet ille dona,
 Quem labor durus probat, & retorquens
 Arduos robur scopulos pericli
 Grande minantis.
 Hinc Tuæ laudi meritò probantem
 Addo cum plausu Tua facta lancem;
 Quam polò cernis renitente pandi
 Clariùs alino.

Nam

Nam prius gestis animosus, inde
Palladis polcis genio foveri,
Appetis laurum pretio paratam
Ingenioso.

Credo Te pulchram renuisse velle
Lauream; si Te studio probatum,
Ad decus tantum minimè videres
Atq; peritum.

Ergo cum se lanx oculis remonstrat,
Hac diu firmam moderare vitam,
Doctæ DZWASZOWSKI malefida semper
Culmina spernens.

IX. V.D. CANTIO MIKOWSKI,
Allucet Scorpius.

Cum Lemmate.

Optima non metuunt casum.

INtentos studijs non feriunt mala;
Nam fulmen subitum cadere lauream
Horret; sed platanis & leuibus rubis,
Casus, ac rabiem parat.

Hinc dum Tu recipis laurigerum decus,
MIKOWSKI, solitam fata licentiam
Exercere supra Te renuunt vaga,
Et contingere Te timent.

Apparens medio scorpius è polo,
Quamvis contra alios spargere toxicum,
Cernatur; Tibi se monstrat amabile
Omen; concilians bona.

Dicentem fluide Tullius excitat,
Vt flores nitidos ore Tuo legant,
Qui pulchra cupiunt eloquio suas
Aures flectere subditas.

D.

Qua-

*Quare qui rabidum transuolitas malum ,
Virtutis placito Te melior trahat ,
Per summum valida sortis alacritas,
Et sit concomitans honor.*

X. V. D. SEBASTIANO PAWLIKOWSKI,
Allucet Arcitenens.

Cum Lemmate.
Hic jaculo bonus. *Virgil.*

Non soli galeam Marti nec tela nec arcum
Sorte fuisse data.

Novit, qui doctæ dextrima castra secutus
Palladis, atq; modos.

Tu PAWLIKOWSKI dices cûi sidera Cælo,
Bellica signa ferunt.

An non Palladiæ dextræ sint dona sagittæ
Arcus & infragilis?

Nam cûm Te munus doctorum laurea stringit,
Lucet & Arcitenens.

Istis es clarus, subtili sed tamen extas,
Clarior eloquio.

Te certare parem cernunt Musæa Sophorum,
Carpere nemo fugam.

Tam pulchris audax celebraris ubiq; triumphis,
Nomine digne Sophi.

Digne, ut maturo semper sis cultus honore
Militet ipse tibi.

Non etenim frustra Tibi tela sagittifer offert,
Vincere quàm valida.

XI. V. D. JOSEPHO GORSKI,
Undecimum Zodiaci signum allucet.

Cum Lemmate.
Caper Omnibus Aris ceditur. *Virg.*

Nu

Numina quot coluit quondam malefida vetustas,
 Illa modis varijs studuit placare, Cruorem
 Nunc fudit Tauris, pavidos nunc cadere cervos
 Ausa, nemus densum fulvo spoliare leone:
 Nec tamen hoc superis totum pro munere defert,
 Sed varias varijs donis perfuderat Aras.
 Tu melius donum censes conferre Minerva,
 Quodq; alijs etiam sacrandum serviet aris.
 Est caput ornatum lauris, hoc Pallade dignum
 Das GORSKI, donaſq; Deæ nervosa scienti,
 Sed si Te celebris lingua Cyllenius ad se
 Alliciet, proprium tandem vel Musa vocabit:
 Ibis & ad nutum cunctorum facta parabis.
 Hinc meritò Celeste Caper Tibi militat omen,
 Qui cunctis pariter festivus caditur Aris.
 Nam cum Te formes concludere bella sophorum
 Dextrè, nec unquam doctò secedere Campò
 Donec eris victor, tum præstans artibus esse
 Ingenuis tentes; credo quòd lumine tanto,
 Laureæ nexa Tibi per tempora multa virebit.

XII. V.D. LAURENTIO SOLTYSIEWICZ,
 Allucet Aquarius.

Cum Lemmate.

Clarior ab undis.

Quam sæpè rebus dictio congruit,
 Et nominum vis: non malè Lucios,
 Crassosq; dixerunt Latini:
 Nominibus proba facta dantes.

Non Cæsar esset si gladio ferum,
 Non semper hostis caderet impetum;
 Sic magna curant esse, quorum
 Nomina laude referta cerno.

E

Te

Te SOLTYSIEWICZ laurea debuit
 Festiva, frontem cingere candidam
 LAURENTII; nam nomen actis
 Attribuis niveis sacratum.
 Iam docta spectant ingenio sophum
 Te signa, Pallas quæ sibi convocat,
 Sentire de Te non sinistrè;
 Palladiana cohors tenetur.
 Allucet istis Amphora laudibus;
 Ut Tu virentem detineas dia
 Laurum, vigor pulchro decore
 Frondiferam poliat coronam.

XIII. V. D. MICHAELI KROCZEWSKI,
 Allucent Pisces.

Cum Leemmate.

Celsis celebratur piscibus iste. *Ausonius.*

Non ferax auri, recubansq; gemmis
 Liber est Crasus, sequitur potentem
 Servitus tristis, Sapientia ære
 Vincula franges.

Ut means ponto fluviore piscis,
 Quo velit cursu subito recurrit;
 Sic pari semper ratione doctus

Non laqueatur.

Quam bonum Musis reputas dicare,
 KROCZEVI mentem meriture palmas,
 Quod manum jungens socia Minerva
 Cuncta triumphas.

Tullio linguam tribuens disertus,
 Atq; certamen dirimens sophorum,
 Dignus appares poliente frontis

Tempora lauro.

Hinc

*Hinc decus certò Tibi pollicetur
Piscium Cæli genus ominosum,
Per novas semper fluitatibus undas
Tutus honoris.*

I. V.D. JOANNI JACOBO
SMOLUKOWSKI Crac:

Ejusdem Laureæ Candidato.

Authori Operis.

V. D. CANTIUS SOWINSKI,

In Vim Mutui Affectus & gratulatorij applausus confert.

Zodiacum duodecim signis illustrem.

CUM LEMMATE.

Omnibus Unus.

O Mine quàm fausto Cælestia signa remonstras

Vates, & nostris laudibus ire paras.

Singula Tu nobis donas, en cuncta refundo

Optans Zodiacum, muneris esse Tui.

Et dignus rotò, qui scit disjungere partes;

Aptè qui novit, quem sua loriq; decet.

Zodiacum sœvit comptus percurrere Phæbus;

Vt lucem signis præbeat ille suis.

Dum nostras laudes Cæli de cardine sumis,

Mentis opus pulchrâ, non sine luce vides.

Turribus è Parrijs ingens Tibi gloria surgit,


Nam cælum famæ prospicis inde polum.

Ingenium roseis pingis dum moribus, æquè
Te possum doctum, quàm celebrare bonum.
Accedit tantis prudens facundia gestis,
Solvere quàm strictum innoxq; ligare vales.
Dotibus his felix mentis hanc sume coronam,
Quâ Pallas pridem tempora docta beat.
Zodiacum tandem retine in mercede laborum;
Vt decoret dotes cingulus iste Tuas.



Permissu Magnifici
Domini
R E C T O R I S.





XVI. 23



624044 Bibliotheca 12000s.
P.P. Camaldulensium in Bielany

Depozyt w Bibliotece Jagiellońskiej



06956

E. XVI. 23



624044 Bibliotheca 120006.
P.P. Camaldulensium in Bielany

Depozyt w Bibliotece Jagiellońskiej



06956

sumos djo
com. & prae.
ad 29. m.

Lect. 1. Noct. de
fer. Due Miss. C.
com. prae. & fer.

M A J U S.

17 17 Sabb: Monica Vid. &c. Vesp. de sequ. com.
Domin. & prae.

18 18 Domin. 5. post Pasch. Erii Reg. Mart. dupl.
9. lect. & com. Domin. CR. Credo dic. Vesp.
Cap. de sequ. com. prae. item Domin. &
S. ent. Virg.

J U N I U S.

19 v. Octava SS. Corporis Chr. In Vesp. com?
sequ. & S. Silverij P. M.

20 vj. Aeschili Ep. Mart. dupl. (fuit 12. huius)
9. lect. & com. S. Mart. CR. In Vesp. com.
sequ.

21 Sabb. Ubaldi Ep. Conf. semid. (fuit 16. Maij)
in hym. mut. CA. Vesp. ut in ordinat.

22 Domin. 3. Dedicat. &c. In Vesp. com. Do-
min. & sequ.

23 ij. Extra Cmc. Vigilia, Venantij Mart. semid.
(fuit 18. Maij) 9. lect. & com. Vigil. Due Miss.
CR. & Viol. Vesp. de sequ. sine comm.

J U L I U S.

6 Domin. 5. in. 5. post Pent. Octava SS. Apost. In
Vesp. com. com. Dom. & sequ.

11 Cmc. Vena. Venantij Mart. semid. (fuit 18. Maij)
Vesp. a Cap. a Cap. de sequ. com. prae. Extra
Cmc. Mariae Mariae Magd. de Paz. Virg. semid. (fuit

25. Maij) CA. VCA. Vesp. ut supra.

14 Cmc. Mariae Mariae Magd. de Paz. Virg. semid.
(fuit 25. Maij) CA. Vesp. a Cap. de sequ.

SS. Mart.